

Broj: 2074-5-SH/24

Datum: 13.11.2024. godine

Na osnovu člana 70. Zakona o javnim nabavkama BiH („Službeni glasnik BiH“, br. 39/14, 59/22 i 50/24), člana 18. Pravilnika o javnim nabavkama Lutrije BiH br. 03-3158/22 od 09.12.2022. godine i Zapisnika o pregledu i ocjeni ponuda Komisije za javne nabavke br. 2074-4-SH/24 od 12.11.2024. godine, direktor Lutrije Bosne i Hercegovine, donosi

**O D L U K U**  
**o izboru najpovoljnijeg ponuđača za usluge iz Aneksa II ZJNBIBH**  
**za javnu nabavku broj 139/24 od 25.10.2024. godine**

1. Kao najpovoljniji ponuđač za nabavku usluga iz Aneksa II ZJNBIBH, evidencijski broj nabavke 139/24, objavljenom na Portalu javnih nabavki BiH pod brojem 523-9-2-2-22-129/24 dana 25.10.2024. godine, a u skladu sa Zapisnikom o pregledu i ocjeni ponuda Komisije za javne nabavke, čiji je predmet dodatne usluge fizičke zaštite objekata Lutrije BiH, izabrana je ponuda sljedećeg ponuđača:  
  
**„SWORD SECURITY“ d.o.o. Sarajevo, sa cijenom u iznosu od 107.880,00 KM bez PDV-a,**
2. Ponuda ponuđača iz tačke 1. ove odluke ocijenjena je prihvatljivom, jer ispunjava sve uvjete naznačene pozivom za dostavu ponuda, a u skladu sa kriterijem za dodjelu ugovora, ponuđač je ponudio najnižu cijenu.
3. Izabranom ponuđaču ponuditi dodjelu ugovora o javnoj nabavci.
4. Za realizaciju ove odluke odgovorni su Sektor za pravne i opšte poslove i Sektor za finansijske poslove.
5. Dalji postupak po ovoj odluci provesti u skladu sa Zakonom o javnim nabavkama BiH, te Pravilnikom o javnim nabavkama Lutrije BiH.
6. Ova odluka se primjenjuje danom donošenja.

**Obrazloženje**

U predmetnom postupku zaprimljena je 1 (jedna) ponuda i to ponuđača: „SWORD SECURITY“ d.o.o. Sarajevo. Komisija za javne nabavke, imenovana Rješenjem broj 03-62-3/24 od 01.10.2024. godine, izvršila je pregled i evaluaciju dostavljene ponude, te konstatovala da je zaprimljena ponuda prihvatljiva. Nakon izvršenog pregleda i evaluacije dostavljene ponude, Komisija je dostavila direktoru Zapisnik o pregledu i ocjeni ponuda broj 2074-4-SH/24 od 12.11.2024. godine zajedno sa preporukom o izboru najpovoljnijeg ponuđača. U postupku ocjene provedenog postupka, direktor nije našao razloge, nepravilnosti niti propuste u radu, koje bi eventualno bile osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u



svemu pravilno postupila, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Izabrani ponuđač dostavio je prihvatljivu ponudu u skladu sa uvjetima postavljenim u tenderskoj dokumentaciji, a u skladu sa kriterijem za dodjelu ugovora, ponuđač je ponudio najnižu cijenu.

Uzimajući u obzir naprijed navedeno, odlučeno je kao u dispozitivu ove odluke.

**POUKA O PRAVNOM LIJEKU:**

Protiv ove odluke, svaki ponuđač može izjaviti žalbu Uredu za razmatranje žalbi BiH putem Ugovornog organa i to na način i rokovima propisan odredbama člana 99. i 101. Zakona o javnim nabavkama, u roku od 10 (deset) dana od dana prijema ove odluke i od dana objave ex ante obavještenja za predmetnu nabavku na Portalu javnih nabavki.

Dostaviti:

- Sektor za pravne i opšte poslove
- Sektor za finansijske poslove
- Ponuđačima po javnoj nabavci broj 139/24
- Komisiji za javne nabavke
- Nadzornom odboru
- a/a.

DIREKTOR  
*Edhem Pašukan*  
Edhem Pašukan

